

# An Oitir Sheunta an Ear

Roinn Dìon Mara shealadach



Grund-mara cruthaichte le sruthan-deighe


# An Oitir Sheunta an Ear

## Roinn Dìon Mara shealadach

'S e linne fharsaing a th' anns a' Chuan Sgìth eadar Innse Gall agus tìr-mòr. A rèir nan ùirsgeulan, bhiodh na Fir Ghorma a' cur eagail air na maraichean fad iomadh linn an seo. Cha bhiodh ùine aig seòladairean is iad a' strì an aghaidh sìde na mara airson tlachd fhaighinn às na bha beò fòdhpà air grund a' chuain.



Tha an Oitir Sheunta an Ear, ann am meadhan a' Chuain Sgìth, air ainmeachadh mar Roinn Dìon Mara shealadach (RDMs) airson iomadachd àrainneachd na mara a chaidh àrachadh an seo fad deich mìle bliadhna a dhìon. Tha an àrainn iom-fhillte fon mhuir mu thimcheall na h-oitir mar dhìleab on linn deighe mu dheireadh, nuair a leagh an leac deighe a chòmhdach a' mhòr chuid de dh'Alba.



© Còraichean a' chrùin [is stòr-dàta] 2019 OS 100017908, © Intermap

Suidheachadh: 57° 59.536' N 6° 02.962' W

Meud: 308 km<sup>2</sup>



## Sgairp mara nan gearr-bhioran air a' ghainmheach air grund na mara

### Feartan Dion Sealadach

#### Bith-iomadachd

Gainmheach *circalittoral* agus grùidean measgaichte, buidhnean sgàileagan mara is spongan, oitirean sgeilp agus meallan.

#### Geo-iomadachd

*Quaternary* na h-Alba.

#### Amasan Glèidhidh

Tha e fa-near gun tèid na feartan seo a ghlèidheadh airson cur ris an lion RDA san fhad-ùine.

Bidh sruthan làidir an t-siùil-mhara a' cruthachadh phàtranan de ghainmheach agus grùidean measgaichte anns a bheil boiteagan mara, creachainn, crosgagan brisg, crùbagan agus crosgagan beò. Tha sgeilpean fosgailte de chreagan bholcanach nas cruaidhe nan àrainnean àrd airson bheathaichean a tha a' sioladh an cuid bidhe a leithid sgàileagan mara agus spongan a tha a' tighinn beò anns na h-uisgeachan beairteach.

Tha na h-oitirean agus meallan mì-riaghailteach ag adhbharachadh shruthan làidir a bhios a' tarraing uisge fionnar, beairteach a-nios is ga mheasgachadh leis an t-sàl staoìn a tha nas blàithe. Tha am maistreadh seo a' meudachadh nan cothroman bidhe a tha a' tarraing iasg beaga agus chrùbagan a bhios an uair sin a' tàladh shealgairean mòra a leithid mhucan-mara, leumadairean, pheileagan, ròin agus eòin-mhara don cheàrnaidh seo.

Tha grund na mara anns an RDMs còmhdaichte le sgròban mòra a rinn na sruthan-deighe a thòisich air tìr-mòr agus a bhleith gleanntan Loch a' Bhraoin agus an Locha Bhig air an slighe gu iomall sgeilp na mòr-thìr. Tha an taisbeanadh àraid de phròiseasan deighe agus geòlas a tha ri fhacinn anns an sgìre seo, an dà chuid os cionn nan tonn 's fodhpa, air leth cudromach gu h-eadar-nàiseanta.

# A' cur freagairt agus an tuilleadh fiosrachaidh

Cleachd am portal co-chomhairleachaidh aig Riaghaltas na h-Alba airson a' cho-chomhairle seo a fhreagairt: [www.consult.gov.scot/marine-scotland/four-new-marine-protected-areas](http://www.consult.gov.scot/marine-scotland/four-new-marine-protected-areas)

Mur an urrainn dhut am foirm air loidhne a chleachdadh, cuir freagairt mar a leanas:

Air post-d: [marine\\_conservation@gov.scot](mailto:marine_conservation@gov.scot)

No tron phost: pMPA Consultation, Scottish Government,  
Marine Planning and Policy Division,  
Area 1-A South, Victoria Quay,  
Edinburgh EH6 6QQ

Airson an tuilleadh fios air co-chomhairle Roinnean Dion Mara 2019 agus Roinn Dion Mara shealadach Oitir Sheunta an Ear thoir sùil air: [www.nature.scot/2019-possible-nature-conservation-marine-protected-areas-consultation](http://www.nature.scot/2019-possible-nature-conservation-marine-protected-areas-consultation)

Sgàileagan mara a tuath air sgeilp eabair



© SNH